

# Ich han en Mötz, ich ben jetz Präsident

Text & Musik: Die 3 Colonias

Ich han en Mötz, ich ben jetz Präsident,  
ich ben berühmp och wenn mich keiner kennt  
un och ming Ahl die es jetz stadtbekannt,  
die weed jetz övverall Frau Präsident jenannt

Wat wor ich för ne ärme Hösch, mich hät kein Sau jekannt,  
mich han se allerhöchstens Mol zum Schriffführer ernannt,  
doch dat hätt sich total jedrieht, ich wäde noch beklopp,  
dat litt verdamp un zojenieht ahn däm Ding op ming em Kopp.

Ich han en Mötz, ich ben jetz Präsident ...

Ming Frau, die kütt hück överall als allereetste dran,  
die fährt nur noch me'm Taxi röm un nit mieh met d'r Bahn  
mer sin jetz bei der Haute Volée, mer sin jetz prominent,  
vun denne, die uns nie jegröß, op einmol jeder kennt.

Ich han en Mötz, ich ben jetz Präsident ...

Un häste ens verjesse dinge Präsidentehoot,  
de Haupsach es, dat Hätz vun dir es jot!

Ich han en Mötz, ich ben jetz Präsident ...